

## Յ Ա Ի Ե Լ Ո Ւ Ա Ծ Գ

Ի ԳՐԱԳՐԻ ՊԱՏՄՈՒԹԵՆԷ ԱՌԱՔԵԼԻ ԴԱՎՐԻԺԵՑԻՈՑ



1445. Այս Գրիգորն (Մակուեցի, կաթողիկոս) գրեաց ի Կամենից, ԹՎ. ՊՂԴ, և զՍէշով ստորագրեալ Լուսայ արքեպիսկոպոսին:

1626. ՌՂԵ. Մեղքիսեթ կաթողիկոսն յետ օրհնելոյն զՆիկոլ պարոնտէրն, զկնի սուղ ինչ աւուրց գայ ի քաղաքն Կամենից, և կեցեալ սակաւ աւուրս՝ հիւանդացեալ մեռաւ, ի Ծաղկազարդի շաբաթ օրն. ՌՂԵ:

1627. Յետ ամաց ինչ ղէպ եղեւ Նիկոլ պարոնտիրին գալ ի Կամենից և օրհնել զԽաչգօ սարկաւազն՝ քահանայ փոխ. Օնոֆրիոս և Կեսարացի Գրիգոր վարդապետին (զորմէ ի վերոյ բան ինչ ասացաք). հանդիպիլ եւս ի Կամենից: Նիկոլ պարոնտէրն յետ երկուց շաբաթուց՝ կամեցաւ զի նորընծայն զառաջին պատարագն ասէր. և հրաւիրեաց առ այս և զԳրիգորն. և զի սա ոչ հաճեցաւ, լռեաց եւս շաբաթ մի, և յաւել հրաւիրել զվարդապետն. և սա կրկին դժկամակեցաւ, ասելով, թէ չէ օրհն նախ քան զքառասունն: Վասն որոյ բարկացեալ Նիկոլին՝ փակեաց զեկեղեցին՝ ուր էրն Գրիգոր, և զնորընծայն ետ պատարագել յաւազ եկեղեցին, ուր էր ինքն: Յորոյ վերայ յոյժ վշտացեալ Գրիգոր՝ նզովեաց զվշտացողն յայն եկեղեցին: Իսկ եպիսկոպոսն յետ պատարագին՝ փակեաց և զիւր տեղոյ եկեղեցին. և մնացին երկու եկեղեցիքն փակեալք յաւուրս աւագ տօնիցն: Ապա խնդրեաց զքաղաքապետն՝ ոչ տալ թոյլ Գրիգորի գալ ի Լով, այլ զի յետո գարձուցէ զնա. որ իսկոյն հրամայեաց զնա ունել՝ իբր ի դիպահոյ լրտես ի թուրքաց. բայց իմացեալ զանմեղութիւն նորա՝ թոյլ ետ դառնալ յերկիրն իւր: Որ ժամանեալ ի Քուղտան՝ նզովս առաքեաց ի վերայ Նիկոլին. և նա անհոգս կայր ի կողմանէ բանադրանացն. բայց ժողովուրդքն յոյժ ներհականային նմա՝ առաւել քան զառաջն՝ վասն այսմ իրի:

1652. Հոչակեալ համբաւ իմաստութեան և սրբութեան հայրապետիս (Փիլիպպոսի) ընդ ամենայն երկիր, եհաս և ի քաղաքն Լով. ի սոյն ժամանակի բազմահնար եպիսկոպոսն Նիկոլ՝ նկատեալ թէ ոչ լինի խաղաղութիւն ի մէջ